

फिलेमोनला पावलकी टिवु यिकी दी थेपकी कोर्ला

फिलेमोन ति मिड फेलुप ख्रीष्टियान मिरा च्चिक यिन। ती ति कलस्सेला वोतुप चर्चकी मी यिनोक। तीकी ति ओनेसिमस सिस्सु योक्पु यी नोक। तमा ती योक्पु ति खोरो ज्यिन्दाक फिलेमोनकी खाड्बा नेसुर टोनी गाल्नोक। ती पेला पावल ति चोन्खाडला शोनी नोक। ते ती ओनेसिमसकी पावलला ठेनोक। तमा पावल नेसुर राड ती ति ख्रीष्टियान च्युड्-नोक। दी यिकी ति पावलकी ओनेसिमसकी लकला कल्नी फिलेमोनकी ते तड्गुप यिन। पावलकी दी यिकीला ती योक्पुला माफ तेस्सु तिराड मिन, तेपा कितुप ख्रीष्टियान नुपला दोके क्यानी गासो शसा सिनी फिलेमोनला गोड्बा शनी टिवु यिन।

मुला राड वोतुप लोप्च्येनतिवा

यिकीकी कोर्ला १:१-३

फिलेमोनकी थोक्ला थुचिछे ४-७

ओनेसिमसकी थोक्ला गोड्बा शुवु ८-२२

सिन्दा क्यावु २३-२५

पावलकी टसी देलेक

1 टसी देलेक! येशू ख्रीष्टकी थोक्ला चोन्खाडला शोस्सु ड पावल ताड दाक्पी नुप तिमोथी नेसुर मुला राड लाका कितुप दाक्पी डियिड्ज्येवु दाल्जा फिलेमोन ताड

2 दाक्पी नुम अफिया ताड मक्मी दोके च्युड्नी दाक्पी मुला लाका कितुप अखिप्पस ताड ख्योरो खाड्बाला जोम्बुप चर्चकी तेरी मीतिवाला दी यिकी ति टिवु यिनो।

3 दाक्पी पपा कोन्छ्योक ताड चोवो येशू ख्रीष्टकी ख्यिराडला कटिन ताड लोदिमु नडिशता।

थुचिछे ताड मोपोर

4 आड फिलेमोन, ड मोपोर कितुप पेला ख्युड्डला टेन्नी कोन्छ्योकला नरी थुचिछे बुलिन।

5 च्यिलासिसिन ख्योरो तेपा ति चोवो येशूला वोतुप ताड कोन्छयोकला तेपा कितुप मी तेरीला ख्योरो डियेइज्ये क्यावु ति डे थोसुड।

6 ख्योरो क्यावु तेपाकी कोर्ला ख्योरो मी यम्बाला शेषिमा दाक्पुला ख्रीष्टकी नङ्गुप मोलाम ति तेरी ल्यामु क्यानी हाक्कोशी सिनी ड मोपोर कितिना।

7 आडो, ख्योरो क्यावु डियेइज्येकी डला छासे गा ताड सेमला डाडेड बडी ड्येनी वे। च्यिलासिसिन कोन्छयोकला तेपा कितुप मीतिवी सेमला ख्योरो लोदिमु जो वे।

ओनेसिमसकी थोक्ला पावलकी गोड्बा श्वु

8 ड ति ख्रीष्टला तेपा कितुप ख्योरो च्युच्यु यिन्दुप तप्की डाडेड क्यानी ख्योरो काड कि गोकिवी सिनी क तेर थुप्किवी,

9 यिन्सिनाड डे ख्युरूडला डियेइज्ये क्यावु तप्की ख्युरूडला गोड्बा शोयिन। ड पावल मी गावा यिन, तमा येशू ख्रीष्टकी थोक्ला तसाम चोन्खाडला शोनीं वे।

10 ओनेसिमसकी कोर्ला ड गोड्बा शोयिन। ड चोन्खाडला वोतुप पेला तीकी ख्रीष्टला तेपा क्यावु तप्की ती ति डे पुज्युड दोके च्युडनी वे।

11 ती ति गोमाला ख्योरो थोक्ला फेन मोथोवु वोसिनाड त याड ख्युरूड ताड ड डियेकरकी थोक्ला फेन थोवु च्युड वे।

12 ती ति डे छासे डियेइज्येवु यिन। तन्दा तीला ड ख्योरो ते तोडियेनो।

13 लेन ल्यामु ख्याप्टाक क्यावु थोक्ला ड चोन्खाडला शोनीं वोतुप पेला ख्योरो छापला डला दाल्जा किटे कितुपला तीला डे मुला राड ज्योकुप नो वोतुपजा,

14 यिने ख्युरूड माड्येन्सुड सिसिन ड काड साड कितुप गा मलाडिगीवी। डे करखापकी ख्योरो डला च्यम्बा कितुप मिन, ख्योरो सेम्बा सेमगी किशी सिम्प ति ड नो कितिना।

15 ओनेसिमस नरीकी थोक्ला ख्योरो मुला लुशी सिनी राड चेयी पर सेक ती ति ख्योरो मु नेसुर कुतुक पेतुप यिन्दे सिनी डे नासामला नोसुड।

16 त याड ती ति योक्पु मिन, यिने योक्पु सिनाड मड डियेइज्येवु नुप यिन। डला डियेइज्येवु मी यिन्सिन ख्यिराडला ति मड डियेइज्येवु यिन्जा। च्यिलासिसिन गोमाला ती ति ख्योरो योक्पु वोसिनाड तन्दा ति येशूला तेपा क्यावु नुप यिन।

17 ख्योरो डला वतुड के मुला राड लाका कितुप दाल्जा यिन सिनी नो वोसिन डला दोके क्यानी तीला साड गासो शु।

18 दोजो तीकी ख्योरो ति काड रे च्यिक रे मेलोक्या क्या वोसिन याड्ना ते गोवु छ्यावा वोसिन डे मिडला टिनी ज्योक।

19 दी यिकी ति ड पावलकी लाक्पी राड टिवु यिनो। ती छ्यावा ति डे राड तेतुप्नो। ख्योरो साड ड नेसुर राड मिजी थोप्नी डे थोक्ला ठिलेन च्योल गोवु वे। दी ताम्डे ति डे ख्युडला सि मोगोवी।

20 तुक क्यानी आडो, येशूला तेपा क्यावु तप्की डे थोक्ला ओनेसिमसला तोजोयी ल्यामु किसा। तमा ख्रीष्टकी थोक्ला डे सेमला लोदिमु जोनी नाड।

21 ख्युड डे खला ड्येन्गिवी सिनी रेवा क्यानी ड दी यिकी ति टिकिन वोतो। ख्योरो डे सिक्यावु सिनाड ल्हक्पा किवी सिस्प ति डला नो वे।

22 तमा यम्बा साड ताम्डे च्यिक वे। ख्यिरा क्यावु मोपोरकी ड ख्यिरा ते वुड थुप्किवी सिस्प ति डे रेवा क्या वे। तुक क्यानी डे थोक्ला देतुप दासा यी टडिक क्यानी ज्योका।

23 येशू ख्रीष्टकी थोक्ला डे मुला राड चोन्खाडला शोस्प इपाफ्रासकी साड ख्यिराडला टसी देलेक सिनी तड वोतो।

24 तमा ड ताड मुला राड लाका कितुप मर्कूस ताड अरिस्तार्खस ताड डेमास ताड लूकाकी साड टसी देलेक सिनी तड वोतो।

25 चोवो येशू ख्रीष्टकी कटिन ति ख्यिराड तेरीला वुडिशता।

कोन्छ्योककी सुड

Sherpa: कोन्छ्योककी सुड New Testament

copyright © 2014 Wycliffe Bible Translators, Inc.

Language: (Sherpa)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 18 Apr 2025 from source files
dated 29 Jan 2022

b834b297-b0c6-512e-bce6-f4d9b41b94be